



FYLKESMANNEN
I ROGALAND

Dykkar ref.:

Vår dato: 09.09.2015

Vår ref.: 2015/9746

Arkivnr.: 433.0

Jostein Nessa
Nessavegen 316
4139 FISTER

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 52 03 00
E: fmropost@fylkesmannen.no

www.fylkesmannen.no/rogaland

Løyve til å planta utanlandske treslag til juletreproduksjon 141/2 Ytre Nese, Nessa, Hjelmeland

Fylkesmannen gjev løyve til planting av utanlandske tre til juletreproduksjon på kartfesta areal på eigedom 141/2 i Hjelmeland kommune for 10 år. Det er sett vilkår om at alle tre skal fellast innan 15 år etter planting. Dette løyvet er uavhengig og gjev ikkje føringar for handsaming etter anna lovverk. Det er til dømes naudsynt å ha løyve frå kommunen til å omdisponera etter jordlova sine reglar når plantefelta er på dyrka jord.

Me viser til søknad, mottatt 24.08.2015. Du søker om løyve til å planta utanlandske tre til juletreproduksjon på eigedommen din i Hjelmeland kommune.

Me viser vidare til kopi av Hjelmeland kommune si løyve av 27.05.2015 til bygging av landbruksvegar med snuplass og opplagsplass. I godkjenningsbrevet går det fram at vegane skal nyttast i samband med juletreproduksjon. Så langt me kan sjå er det i den kommunale saksgangen ikkje nemnt at juletreplanting krev godkjenning av Fylkesmannen etter *forskrift om utsetting av utanlandske treslag til skogbruksformål*. Det er ikkje tilstrekkeleg med kommunen si godkjenning av bygging av landbruksveg for planting av juletre.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål* (25.05.2012 nr 460), jf. **naturmangfaldlova** kap IV.

Søknaden

Du søker om å planta ut 28 000 fjelldelgran *Abies lasiocarpa* på totalt 40 daa, innteikna på kart vedlagt søknaden. Arealet som skal tilplantast er i dag uthogd granskog.

Me gjer merksam på at forskrifta gjev høve til å handsama søknader om utplantingar over fleire år om gongen, og vanleg forvaltningspraksis er å gje løyve for 10 år. Dei aktuelle areala er på eigedomen dykkar gnr/bn 141/2 i Hjelmeland kommune.

Fylkesmannen si vurdering

Føremålet med forskrifta er å hindra at planting av utanlandske treslag ikkje gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§ 4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. § 8 set krav om at vedtaket bygger på kjend kunnskap. Det er ikkje verna område, eller kjende artar i nærleiken, som kan bli uheldig påverka av tilplantinga. Plantefeltet legg beslag på areal som i dag er eksisterande hogd granskog.

Ut frå føre-var-prinsippet (§ 9) er det viktig å sikra seg mot at plantefelta kjem ut av kontroll, som til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er, eller blir utsett for (§ 10). I dette høvet kan me ikkje sjå at tiltaket legg beslag på, eller er ein vesentleg trussel mot stadeigne naturkvalitetar.

§ 11 legg ansvaret for eventuelle skader på naturmiljøet hjå tiltakshavaren. Kostnader ved å bøta på eventuelle skader, eller å førebygga skader skal dekkast av tiltakshavar.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Me har ikkje spesielle merknader til dette i denne saka.

Me kan ikkje sjå at planting av dette treslaget vil vera til vesentleg skade for naturmangfaldet. Fjelledelgran har ikkje stor risiko på svartelista, og det er ikkje registrert spesielle naturverdiar som kan bli trua av tiltaket på, eller umiddelbart ved sida av plantefelta. Omlag 250 m aust for feltet til ein rike edellauvskog av høg verdi. Her veks det mellom anna ask. Det er lite sannsynleg av fjelledelgrana skal etablera seg her, men det er likevel viktig å sikra seg mot eventuell frøsetting. Det er viktig å dokumentera rutinar for å hindra spreiding, og kven som har ansvar for å sikra hogst før frøsetting. Det er også viktig at dette dokumentet blir gjort kjent og overført samtidig som eventuelt eigarskifte til ny eigar.

Samstundes vil me minna om at skogbrukslova med underliggende forskrifter, mellom anna *forskrift om berekraftig skogbruk* (07.06.2006 nr. 593) og PEFC-standardar også gjeld for juletre- og pyntegrøntproduksjon. Her er det også ein del miljøomsyn som må takast. I dette tilfellet må ein kanskje vera ekstra merksam på at det er krav til buffersone langs vassdrag, samt restriksjonar i høve til gjødsling og sprøyting.

Vedtak og vilkår

Fylkesmannen gjev med dette løyve til å setja ut 28 000 fjelledelgran på område avmerka i kart vedlagt løyvet. Arealet er til saman 40 daa. Området er på Ytre Nes, Nessa i Hjelmeland kommune. Løyvet gjeld i ti år fram til år 2025.

Det blir sett som vilkår at alle tre, som er omfatta av vedtaket, skal fellast innan 15 år etter at dei vart planta. Eigaren av arealet er ansvarleg for felling. Vilkåret for dette løyvet skal gjerast kjent for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreiding av utanlandske tre, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

Klage

Du kan klaga på vedtaket innan 3 veker etter du har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Per Kristian Austbø
ass. fylkesmiljøvernssjef

Torborg Berge
rådgjevar

Dokumentet er elektronisk godkjent og har derfor ikkje underskrift

—
Saksbehandlar: Torborg Berge
Saksbehandlar telefon: 51 56 89 39
E-post: fmrotbe@fylkesmannen.no

Vedlegg:

Kart felt med til å planta fjelledelgran 141/2 Ytre Nese, Nessa, Hjelmeland

Kopi til:

Miljødirektoratet	Postboks 5672 Sluppen	7485	TRONDHEIM
Hjelmeland kommune	Vågavegen 116	4130	Hjelmeland



141/ 1

141/ 3

40daa

141/ 6

141/ 2


82/ 1

Løyve til å setja ut fjelledelgran til juletre
Ytre Nes, Nessa, Hjelmeland gnr 141 bnr 2

-  Fjelledelgran
-  Eigedomsgrense

Ortofoto 2013 0,25 m oppløysing

1:1 500



Kartgrunnlag: FKB, Norge i bilder
Tillatelse: © Norge Digitalt
Kartproduksjon: Fylkesmannen i Rogaland, sept. 2015

